

鄰神屈人賣狗肉 轉身扮友搭膊頭

叫網民「廣傳」害食肆關兩日 事件澄清後辯稱「協助查證」

網議政事

反對派成日鬧人「語言偽術」，但其實佢哋先係語言偽術嘅高手高手高高手，而鴿黨（民主黨）嘅鄰俊宇（鄰神）就做咗個出乎常人羞恥心嘅示範。話說身為元朗區議員嘅鄰俊宇上星期五加入流言行列，老屈元朗一間食肆賣狗肉，仲叫網民「廣傳」加幫手「搜證」，害到人哋雞毛鴨血，關門兩日。事後發現「狗肉案」純屬虛構，鄰俊宇潛完一輪水嘔日終於去咗善後，喺facebook刪咗篇靠害文，再出返篇文去「澄清」，擺張同老闆搭膊頭扮老友嘅相，但就一句對唔住都有，仲寫到自己係「協助查證（證）真偽」添，唔知頭唔知路仲以為鄰俊宇一直幫緊個老闆啊。唔少網民都好「敬佩」佢嘅「語言偽術」，有人仲留言話：「掂呀！鄰議員！你真係完全將一個人渣無賴角色發揮得淋漓盡致！」

上回講到，鄰俊宇未經查證，就係出文，老屈一間賣羊肉煲嘅元朗食肆賣狗肉，話自己「搜證（證）中」、「已去信警方促調查」、「請各位協助廣傳訊息」。唔少網民市民加入鬧爆間無辜食肆，老闆仲因此徹夜難眠關門兩日，而事後發現其實純屬虛構之後，鄰俊宇就一直深潛到不見人影，道歉都有句，篇靠害文仲掛咗係兩日有多。

群情洶湧 終刪文打倒自己

唔知係咪見到群情洶湧，太多人叫佢出嚟交代，鄰俊宇嘔日終於刪咗篇靠害文，再去問食肆度食飯打卡，出個新post，完全打倒前日嘅自己。一開始，佢就親切稱呼個老闆做「幹哥」，仲話自己係被要求「協助跟進『疑似割狗餐廳』事件」，仲聲言老闆「沒有介意」，覺得大家只係「熱心」咋嘞。佢仲借老闆把口話「幸好今次有議員協助查證（證）真偽」，而佢自己就會繼續「跟進」。

對於鄰俊宇將自己被告講到係原告咁，唔少網民都覺得「歎為觀止」。「Ricky Yuen」就話：「初初未查就叫人廣傳未審先判，依（啱）家扮有事扮好人，你真利（厲）害。」「Gary Kwok」亦表示：「掂呀！鄰議員！你真係完全將一個人渣無賴角

色發揮得淋漓盡致！」有人就質疑，老闆其實根本唔知鄰俊宇點樣害佢。「Ken Lee」就問鄰俊宇：「有無比（界）你之前delete（刪除）嗰段野（嘢）老細睇？」「Tang Fu Wing」就話：「如果幹哥知道上星期五係鄰神叫網民廣傳，可能未必同佢拍膊頭影相。」

屈完人竟一句道歉都有

不過，大家最翻都係鄰俊宇講到事不關己，老屈完人一句對唔住都有。明顯係鄰俊宇支持者嘅「Alison Chung」都忍唔住批評：「我對呢個post有點反感。雖然欣賞你地（哋）勇於面對受害人。不過幹哥有要求你地（哋）查真偽咩？！你地（哋）之前個post比（界）人感覺係未審先判。希望你地（哋）既（嘅）職員日後做多點功夫去確認後先出post，一個post可以引起好大後果。昨（作）為當區年輕有幹勁既（嘅）區議員及立法會議員，真的希望你地（哋）日後能做好點，謙卑點有錯就去認，比（界）選民留下好的印象吧！」

「吳俊雄」就看透世事話，反對派成日話政府有錯唔認，但其實政府都會向公眾道歉，「點不知鄰已完唱衰完人去人地（哋）間鋪（舖）食餐cheap

（便宜）飯就當無事，成篇野（嘢）一d（啲）歉意都無，難為老闆仲要笑住比（界）你影post上來……一啖砂糖一啖屎……勁無恥！！」「Lee Kin Ho」就話：「一隻羊就幫到大家明辨好壞，下次選舉大家自行決定囉……」

網民鬧爆鄰俊宇

Joe Lam：鄰議員，寫一大篇野（嘢），你都無同幹哥講句唔好意思，別忘記你都有份誤會佢同放上FB，你唔好當自己無份。

Ricky Yuen：初初未查就叫人廣傳未審先判，依（啱）家扮有事扮好人，你真利（厲）害。

MiuTing Chan：點解無道歉？刪除之前抽水post，掩飾過錯，現在懶有正義為店主澄清，這是什麼手段？！卑鄙下流！

Ken Lee：打完人一鑊，再同人食餐，真冇你的。有無比（界）你之

資料來源：鄰俊宇fb留言



鄰俊宇扮老友搭老闆膊頭。fb截圖

前delete（刪除）嗰段野（嘢）老細睇？

Tang Fu Wing：如果幹哥知道上星期五係鄰神叫網民廣傳，可能未必同佢拍膊頭影相。

Gary Kwok：掂呀！鄰議員！你真係完全將一個人渣無賴角色發揮得淋漓盡致！

Fayan Yu：你條宅男議員，風吹邊面就向邊面擺尾，真羊狗都不如。

Lee Kin Ho：一隻羊就幫到大家明辨好壞，下次選舉大家自行決定囉……

整理：香港文匯報記者 甘瑜



始作俑者何來 刪改文當布事

元朗食肆界人老屈賣狗肉，消息來源到底係邊個？原來又係反對派。有網民發現，「本土行動」何來就係成件事嘅煽動者，指出係佢哋facebook專頁「動物生命糾察隊」出文（見圖），話問食肆割狗賣狗肉，再貼出嗰張斬頭頭手手腳嘅動物屍體相作為「證明」，仲吹噓話已經有3個專家「證實」係狗屍咁話。事件證實係流料之後，何來刪去咗部分帖文當有發生，仲反問返狗肉唔食得，唔通羊肉就食得？再整個「民調」叫大家表態，但10個選項多數都係要人認同何來嘅行為，得攝中間一項係「認同要道歉」，真係正宗嘅「公我贏，字你輸」。

貼出文抹黑，仲話有3個「專家」「證實」係狗屍，再將隔籬鋪頭嘅狗吠聲形容為食肆割狗嘅「慘叫聲」。事件水落石出之後，唔少網民都要求何來交代，叫佢搵返3個專家出嚟講兩句，仲要求佢向嗰間食肆道歉。

3個「專家」當然從來有出現過嘅公眾眼前，而何來亦繼續為自己嘅行為「辯解」。但係「動物生命糾察隊」出文，話要就事件做「民意調查」，再「利申」幾點話「割狗割羊割豬割牛割雞都並無分別」，要大家「尊重」佢哋嘅理念。咁個「民意調查」有咩選項呢？精彩啦，有「認同所有經營食肆都要接受公眾監察」、「認同相中屍體是狗屍，應該出post呼籲公民行動」、「認同谷主上戴（載）疑似割狗賣狗肉案的不點名處理手法已關顧了保護正當守法小店的經營」，有冇引導性就大家自己諗啦。

此外，何來自己個fb度，都分享咗一個朋友篇文，內文寫道：「動物權益題：食狗絕不可，食羊有問題？！」佢仲一度喺網上留言話，自己俾人屈咗好多次，都有叫人道歉嘞，似乎認為自己屈完人仲好合理。

網民憤斥促道歉

對於何來咁樣處事，唔少網民都感到氣憤。「Alex Ho」直言：「道歉啦×！」「Jimz Iooj-mooi Ng」就反問：「有無人講到嗰啲人先至會响網上散播完謠言、搞完人哋間鋪（舖）、仲要响度扮無辜？」係囉，咁何來係咩人呢？除咗係「黃絲」之外，佢仲曾經同「自決派」朱凱迪等人參加過「皇后碼頭」嘅事件，講到呢度，大家明啦。 ■香港文匯報記者 甘瑜

中國銀行(香港) BANK OF CHINA (HONG KONG)

百年中銀 與您同行 A CENTURY OF SERVICES, ALWAYS WITH YOU

中國銀行(香港)百年華誕紀念鈔票慈善珍藏版



精選號碼 彌足珍貴

388套精選特別號碼的慈善珍藏版紀念鈔，每套包裝均配上999足金金頁乙張，設計和尺寸與紀念鈔單鈔相同*，別具特色，極具珍藏價值。競投淨收益將捐贈作本地公益慈善用途。

歡迎競投

競投表格可於紀念鈔網頁下載或於本行分行索取

競投申請期：10月20日至11月8日

紀念鈔網頁：www.bochk100.com

查詢熱線：3988 2100

詳情請參閱宣傳單張及競投表格

* 每張金頁淨重2克，不含號碼

